


զնաւահանգիստն Կալամելլա, ամենայն հասիւ եւ մտիւք նոցին, վասն երկեմենի միոյ: Վկայք ստորագրողք դաշանցս՝ իԼեւոնէ կողմանէ էին, ժառանգ իւր Բրինձն Ռուբէն, Աւստ որ է Ոթոն տերն Տիբերեայ, Ատան տեր Կաստոնի, Կոստանդին Գունդատապլ, Վահրամ Մարաջախտ, Պարոն Արշիվարտ, հանդերձ այլովք, եւ իշխանք ոմանք Անտիոքացիք. իսկ յԱսպետաց անտի երկոտասանք ոմանք՝ յանուանէ: Այսպէս համարեցաւ Ռիթա՝ իթագուհի Երուսաղէմի, եւ յաւելաւ Լեւոնի փեսայ մի հօգօր. այլ եւ, ըստ ոչ կարծեաց նորա, ակնկալու մի եւս թագաւորութեան եւ ժառանգութեան իւրոյ. քանզի՝ իլեւ Յովհաննու զմահ Լեւոնի, մինչ՝ իՌոտոմայիս կայր զչարեալ ընդ ձեռներիցութիւն Պեղագիոսի նուիրակի Պապին, փութացաւ մեկնիլ անտի եւ գալ՝ իԻլիկիա, կանամբն եւ դեռաբոյս որդկան չորեքամենի, իբրու թէ սմա անկ էր ժառանգել զԼեւոն. եւ ասեն, կասկածեալ եթէ մայր սորա Ռիթա կամիցի կենախուզ լինել որդեկին՝ զի իւր լիցի ժառանգութիւնն, հարեալ զկինն մտրակաւոր կօշկօքն, եւ՝ իհարուածոյ անտի մեռեալ Ռիթայ. յետ հնգետասան աւուրց մեռեալ եւ տղայոյն, եւ այնպէս՝ իդերեւ ելեալ յուսոյ բաղդորսակ ծերոյն Պրիենայ. զի անցեալ էր յայնժամ զեթանասնամենիւք, եւ ընդերկարեաց եւս զկեանսն մերձ ցինսուն ամ († 1237). յետին մնացորդ նշանաւոր շահատակաց, որք՝ ի կիսոյ ԺԲ դարու ցայն վայր լցին անուամբք իւրեանց եւ պիտանի՝ եւ անպէտ գործովք՝ զժամանակն եւ զիշատակարանս:



230. Տապաւաքար հայկական ՚ի Կիպրոս.

ejusdem domus totam terram Gigerii, etc».- Պայմանագիր Լեւոնի առ ասպետս Հիւանդանցին.- Cartul. 126.